

者能維持至久乎即有勤製新器者能廣為推造乎即有欲行學會商會者能合眾共舉乎一國之人不合力則勢散勢散則財亦散荷一國之人合力則勢聚勢聚則財亦聚是故格致之學以倡之機器以捷之輪舟以通水鐵路以通陸則七千二百五十萬方里之地若戶庭也公司以維之學堂以成之專利以爲獎保護以爲功則二千餘萬之漏卮二萬萬之賠費三京八兆六億一萬磅之國債可籌抵款也冗官宜汰者去之科舉當改者變之營制可革者更之釐金可裁者撤之則二百年山積之積例什百千萬虎狼之吏胥疲羸嗜煙不教之弱卒數千卡隘苛刻之紳丁可一舉而掃蕩也上雷霆以行政下川流以赴令破情面而爲肝膽轉推諉爲擔當士農工商義主平等學相貫也事相維也男剛女柔同於有用毋異視也毋歧待也男女七歲以上就學無貧富也無貴賤也官與兵人人皆讀書無捐納也無濫薦也則四萬萬有奇之人心可大同也如是而民力有不奮躍者乎強國有不尠迹者乎將見臺灣仍復吾版圖也朝鮮琉球越南暹羅緬甸仍內屬也黑龍江以西以北之地仍以外與安嶺爲界也土爾扈特廓爾喀仍服貢也吾 聖祖 神宗之豐功偉略無難再見於今日也將吾之輪舟可徧乎五洋吾之鐵路可達乎西北各鄰境也吾之商輪可泊歐美洲之巨埠吾之兵輪可巡泊各國以保商也何商約之難立何公法之不講何利源之不擴何進口貨之多民何由不富國何由不强是不在一國之人合力哉是不在國家之痛除積習以與民合力哉

撫輯批示

候選郎中黃廷璠等聯名稟請與辦民團批○據稟遵 旨與辦民團係爲安靖人心弭盜賊並恐痞徒遊民遇有洋人遊歷藉端滋事思爲防患未然等情實有保全身家與維持大局二者義本相因誠慮至爲深遠惟凡舉一事利與弊恆相倚伏團練相沿已久流弊尤所宜防究之總以得人爲要據稱事關地方利弊必應有所責成洵爲不易之理所羈在籍前山東布政使湯紳物望久孚以之總辦茲事分舉各紳必能籌畫精詳有利無弊藉收拔茅連茹之效准如所稟照會以專責成俾速妥議章程酌核辦理可也此批

譚復生觀察南學會第八次講義

人在世界上有幾件事不可不知一曰天二曰地斯二者前次已言之詳矣今日所講更有切要者則爲全體學在天地間不知天地已爲可恥若並自己之身體不知不更可笑乎然全體學又極難講何則無圖以供指點也無蠟人以爲模樣也骨節如何承接血脈如何周流臟腑如何散布肌肉皮膚如何層疊束固則皆不能言矣試

僅即臟腑言之亦只能言其部位功用不能將其形狀曲曲傳出部位功用中國醫書亦言之最詳然必不如西國所言之確而可信者則以彼有剖驗之術可憑也今作與人言剖驗必說以爲怪不知彼皆剖驗死後之屍或醫生請剖或病人遺囑故剖驗之事常常有之醫學遂因之日精亦有危險之證必須剖腹洗滌始能療治者則考驗尤爲親切吾故以爲可憑也今先言中國言心思西國則謂心不能思而思特在腦腦分大小大腦主悟小腦主智及視聽之屬腦氣筋布滿四肢百體則主四肢百體之知覺運動所謂心者亦徒主變血之事而已夫中西論心不同如此愚謂其理實亦相通思固專在腦而腦之所以能思者全賴心能變血以養腦是心與腦交相爲用也故思字從心腦之主思古人蓋已知之矣心之所以變血因血歷周身而後化紅色爲紫色養氣之功用已竭血中含足炭氣如不將炭氣放出其毒立刻足以殺人賴由迴血管仍迴至心中由心入肺有呼吸以吐故納新俟再經心中即復爲紅色毒去而可以養人矣故心之時時躍動皆爲上下四房紅紫血出入之故信足爲生命之本矣古人謂肝左肺右心居中央此說實誤心雖居中而心尖略斜向左肺則左右各一大塊每塊分六葉左右共十二葉肺中大小管極多酷肖樹木枝幹其爲用有三一主呼吸二主變血三主聲音肝則在右邊肺下其用亦主變血凡新生之血必經肝家一過方由淡紅色變成紅色而有甜味乃能養人故西人或稱肝爲造糖公司脾在左邊肺下中國言脾主消食其實非也脾與胃不相連於消食之事絕不相干脾惟主生白血輪然白血輪之爲用西國歷來名醫皆不能知直至去年知新報載有某醫士始考出白血輪爲殺蟲之用但白血輪雖有此用却不宜多白血輪一多即成瘰癧按此說中國亦有之江南一帶呼瘰癧爲打脾瘰癧可知瘰癧果由於脾家也瘰癧與肝近主出酸汁入胃以助消化其間復有甜肉一塊爲中國醫家所未知聞亦主出汗入胃以助消化胃在心下專主消化胃中有一種消化之汁能化食物幾如強水而胃又時時動搖使消化愈速胃中又有無數微管能取飲食中之精華以成血飲食既消化後變成糜粥然後入小腸小腸長可二丈餘專主取飲食中之精華以成血飲食過小腸後精華略已取盡其糟粕遂歸入大腸而清水亦入小腸此臟腑之大略也大抵全體竟是一副絕精巧之機器各司其職缺一不可與天地之大機器相似獨是天必造此一種全體之精巧機器果何爲也哉原是要使人頂天立地做出一番事業來所謂贊天地之化育與天地參也諸君當知此堂堂七尺之軀不是與人當奴僕當牛馬的諸君諸君我輩不好自爲之則去當奴僕當牛馬之日不遠矣時事我更不忍言然求能與外人一戰無論智愚皆知其不可爲今之計惟有力保莫內亂尙可爲河西遺種處

耳保之法無過於保衛局保衛局即是團練之意各府州縣能編設保衛局鄉間又清查保甲則耳目靈通匪類目無從竊發即使鄉僻之區或有聚眾等事而保衛局之巡查既經訓練聚之即可為兵息事安人無過於此如欲別為團練之舉亦須變通舊法整齊畫一聘武備學堂中之粗諳武事者為之教習又須就地籌有的款方可舉辦然鄉兵之額亦自不能多即以百人論每年需錢三千數百而百人之用仍與保衛局之巡查無異故不如徑辦保衛局而寓團練之意於其中乃為經久之道今欲人人皆明此理皆破除畛域出而任事又非學會不可故今日救亡保命至急不可緩之上策無過於學會者吾願各府州縣就所有之書院概改為學堂學會一面造就人材一面聯合眾力官民上下通為一氣相維相繫協心會謀則內患其可以泯矣人人之全體其可以安矣

南學會問答○長沙楊昌濟問○嶽麓書院肄業生李永懋江人年五十餘少時以鄉紳帶團防堵本那在軍垂三十年曾入蘇子熙官保之幕前年從戎山東萊州海岸曾見李鑑堂制軍三次在書院中縱談當世之務言省河自岳州以上重關關隘無一守兵無一礮台斷不可忽畧人言兵戰不如商戰商戰不如學戰我則謂處今之勢若毫無武備不能自立彼敵人豈能任我與商任我講學耶又言三強之兵數及萬人置之無用之地可謂其一半守省城下游激以忠義曉以不讓裁撤之恩不用雙餉也又言用人宜廣統領若無威望則大才不屑供其驅使一木焉能支大厦惟如張制軍之例中丞自為統領則豪傑皆得効其才又言湖南電報宜接至三廣省城有警可從速救援三廣人救援沅州最神速以其兵皆以糧為命產糧台不可不護也况省城尤糧台之根本乎未有不竭力保守者也並宜豫先札飭鎮協汰弱補強此專就本省言之也若夫保湖南必保湖北保長江保田家鎮必用苗兵沿江礮台宜令活動期可緊跟輪船上下轟擊則尤關係大局之至計也其言如此不知有可採擇否李君又言曾識黃內翰廉廣常○答曰岳州置守兵設礮台昨日已批答某生矣刊入湘報中請自閱之三廣兵雖強壯而綠營舊制未更甚難約束現經香帥奏明湖南各綠營皆議撤減惟三廣不撤減蓋由民間田產一概歸為均屯長幼以糧為家實有不能變更之勢至李君承德謂調紮省河不用雙餉一說則殊未然今以綠營兵制言之守兵每年口糧不過十二兩戰兵每年口糧不過十八兩馬兵每年口糧不過三十兩加以各項差事及各項義助每兵每年所得餉項只十分之八耳試問以今日之銀價每兩銀僅換錢一千三百文則是守兵每月合錢一千零數十文戰兵每月合錢一千零數百文馬兵雖得錢數多又須喂養馬匹然

則其自供之火食尚且不足安能荷腹以從公耶平日制兵以口糧太少因而小賢營生以養其身家一旦調扎遠方幾何不至凍餒其父母妻子也不用雙餉能乎不能中丞自為統領一說尤覺近迂撫台有提督軍務之銜非統領而何總大權者貴在用人胡文忠當日亟亟於求分統求賢自輔集思廣益乃能成事雖以衛靈之無道所得力者不過數人即足以立國何必躬親訓練又何暇躬親訓練乎况湖北如吳統領方統領鄧統領各自統其軍香帥何嘗自為統領又何嘗不總統各軍泰西電報有平時所設之電報有臨時行軍所設之電報然非輪船鐵路相輔而行則電報亦屬不靈兵事瞬息千變待援於千里之外恐客兵未至而兩軍成敗之機決矣三應僻在一隅距省將千餘里照軍例每日只行五十里即得電報之速亦須二十日乃能到省也况平日既不教練豫備一旦聞警與師器械籌糧帳棚擔延又半月餘故為保護省城起見不如在省練軍之為愈又省城糧餉皆各府州縣地丁糧金所集而成荷外府有亂消息中斷省城糧台亦不可恃守湘必守鄂乃從前晉宋禦北寇守江必守淮之舊法若今日與外洋相角其在各海疆之海口乎然此非易言也異日講學再申論之

俄國照會高麗文○照得近來貴國京城內有甚可哀之事情外亦有間隙無業之貴國人反稱開政之難才妄作激端以致甚訝於俄國大皇帝陛下也貴國大皇帝陛下及貴政府已請俄國政府使之派送俄陸軍教練士官教練軍兵任關內侍衛事務又求擇送一份度支部顧問官故俄政府某已派送以上官員前來貴國此則明指俄國之敦重友誼貴國之自能安顯其完全之自主也然貴政府則其時以俄國於此緊要之事實之不貴現今貴政府有心防俄不能行其所欲以合貴政府之利益也現今事務如此明白俄國不能忍耐故俄國大皇帝陛下恩命敕使使之稟問乎貴國大皇帝陛下並詳問貴政府立即決定有意於俄國幫助耶或否耶而俄國以若干侍衛隊教練士官等及度支部顧問官幫助者若不益於貴國大皇帝陛下及貴國政府則俄政府亦遵此排捨其所緊要者矣貴政府只以一心一意必自守後來之自主可也本大臣俟自貴政府查照該公文時勿過二十四點鐘即賜回音外亦請貴大臣隨速稟請於貴國大皇帝陛下使本公使舉公親見以便奏稟俄皇帝陛下所奉之敕可也

高麗照復俄國文○為照會事照得我歷本月七日接准貴照會詢士官顧問官緊要與否一事容俟三數天再行佈聞業經照覆在案查我國自乙未變亂以後奸細輩從中煽張當國步艱難宗社危急之秋我大皇帝陛下移駕經歲於貴公館我皇室賴以安泰我國家免於困難實由貴國幫助之大力焉我大皇帝陛下深以貴

國為德我政府臣民亦感其恩繼又貴國大皇帝陛下念敦睦誼特派教士官及度支顧問幫助我國利益之事務誘導我國漸近於開明之域期國力之發達亦保全我國獨立之基礎是皆我國臣民俱感盛念一體奮發者也此次貴公使照開我京城內有甚可哀之事情亦有無業閒民假稱開政之善才妄作激端以致甚訝於貴國大皇帝陛下至承救命詢及教士官顧問官之緊要與否是我大皇帝陛下及政府之大所歉歎蓋事機之至此其責在我政府自當反省從今以後謹飭自勉期無疎圖或再不貽貴國大皇帝陛下之煩惱也從前貴國大皇帝陛下及貴政府之對我國眷念厚誼專在於兵政及財務之許多進步而該顧問官及士官深體貴國眷意不嫌暴露勤勞侍衛隊可以熟諳其職務財政亦皆次第就緒皆足貴國所矚目其著大功德承世不忘我政府現有起見從今兵政財務一遵貴國之會所指導其法專使我邦人掌管擔任凡係外國士官顧問官一切勿用確有實定是元老大臣政府之所願亦全國臣民公議物論今此事務之至此亦由貴國大皇帝陛下及貴政府孜孜於我國事務幫助我國獨立而滿養今日主貴國大皇帝陛下及貴政府若悉燭我國人民智識漸開能知國體形便之本意則想亦欣然樂從我政府之所望是亦大臣之實心確信者也我國國力發達之前不府臣民之一體致望者也始也派來極其襄助今焉竣功深軫便宜妥協至此尤庸感激肆今本大臣奉有聖上我大皇帝陛下深謝貴國厚誼擬派大使前來往貴京敬奉我大皇帝陛下謝意而奉貴國大皇帝陛下本大臣欽將此意先報貴公使本大臣與有光榮請煩貴公使照亮上項一切情形轉稟貴國大皇帝陛下聽悉我皇帝陛下及政府之衷情可也

廣州灣形勢考○西報言邇來傳說法國戰船已進廣州灣遣兵登岸此說似覺言之過早然所傳究未嘗無因緣法國久欲在中國擇一要區為他日用兵張本故曾遣兵船泊至該灣測量形勢該灣係膠州府轄境在吳川縣之南北緯線二十一度零十五分東經線一百一十一度零三十分與香港相距若二百餘海里在其西南香港介其東北一水迴環最擅形勝不獨可為水師停泊之區且可作通商口岸法人知其地勢扼要故欲據為屯兵之用也廣州灣形勢有數處足可與香港並駕齊驅有數處比香港更扼奇制勝而不及香港利益亦有數事所謂美中不足也雖然法人若果取此灣亦未嘗無所裨益嘗考此灣與粵長約二十餘哩可入港內者祇有兩峇口週圍有陸地關鎖港內水深由三尋半至十尋不等灣泊甚便港之東口闊約一哩半口外有沙磧數處關

攔防密船艘不能直入惟從南面沿岸而行水道迴環始堪前進其水道約計有七尋之深祇有一處淺淺雨尋半而已灣內自東而西甚長十哩自北而南約廣六七哩雖極大戰船亦可容大隊灣泊安穩無虞大港之外復有小港其形如臂長約十五哩廣約一二哩直從大港通出東口此小港雖狹惟水深亦有三四尋常每常潮漲退港口水流異常湍急有河流一道直注廣州灣河旁有城名赤欄為貿易要區其生意多與澳門江門來往赤欄入口貨以洋紗疋頭鴉片為大宗其餘各項貨物到者亦多至出口貨則以生油草蓆為大宗草蓆可作蒲包帆檣之用然不止生意之利已也法人若取此灣則高廉雷瓊四府將必與法屬東京聲氣相通呼吸靈便查此灣與西江相隔僅有內地小山一層除此之外無甚阻碍倘法人既踞其地則五年之後生意可期增至四倍之多即香港亦迭受其益蓋將與該灣直可運貨通商也惟是法人慾壑難填倘欲吞沒西江之地亦事所難料然有英國在亦斷難如願除是英國棄却保守長江之初議方能任法人行所欲行耳廣州灣左右或有煤礦亦未可定因該處地土時露炭質也

貸款電音○前日倫敦來電云英國匯豐銀行與德國德華銀行經理之中朝所貸英金十六兆磅核定八兆由英國付出八兆由德國付出目下德國所集者已溢出原數甚巨英國則祇集至二兆尚餘六兆由經理人另合一公司以便如數湊集

德人假孔教以治華民○西報云德人現在膠澳建孔子廟並云自我據膠州灣以來民心總覺未服致其故因耶穌教與孔教迥不相同所致然我思孔子立教必有實在用處決不為後人騙功名計也今中國以文字取人固已計之左矣加以歷代誤傳不思改正反作典刑所以一誤再誤愈降而愈失其真傳我今思得一策當延請高士務將孔教源流一一講求實在然後以之教民民心自無不服萬不可如中國之虛無縹渺毫不講求實用信如我言則凡中國讀書者已失盡尼山面目而猶謂謂然自許為聖門後學恐春秋之世所必誅者耳今我此舉既可復孔教源流又可收中國民心一舉兩得實為圖治中國之本

台灣財政○日本報云台灣財政在劉銘傳撫該島時一歲收入總計約三百萬餘圓內地稅八十萬圓海關稅一百二十萬圓釐金稅一百萬餘圓現在歲入較多於前內地稅與昔時無異此外有茶稅糖稅樟腦稅礦業稅海關稅阿片稅等各項於明治三十年總稅額約有八百一十一萬餘圓然現在該地財政以此等歲入額數恆不敷用每由政府補入常費五百九十五萬圓陸海軍費七百二十萬圓以充足之今推究其入款所以

不足者蓋因今日政治與昔日政治大異故也劉銘傳撫該島時歲入雖少而經費亦不需多即如官吏俸金皆薄以致賄賂公行以作挾彼注茲之計故也云云

三公使之言○西報云中國諸鉅公畏俄之威懷俄之德致俄人得以肆其要挾索旅順滿洲鋪設鐵路及探掘礦山各利權政府唯唯否否依違其間事為英國政府所聞窺悉中朝每於大事絕無主見往往顛倒從事特飭駐京公使就中國政府曰倘貴國聽從俄人之言遂其要挾我政府阻之不能禁之不可斯固無可如何但我政府亦須照俄之所為斷不肯甘落人後貴政府惟時莫悔特此先行咨照云云嗣日本政府亦恐中朝墮俄術中勅矢野公使告中國政府曰英人所見甚公然敝政府亦當援以為例美公使繼起謂英日識見從同我美亦當照樣辦理

美西軍艦○鎮西報云西班牙國軍艦數前年不過美國軍艦七分之三自近年玖巴諸島為亂以來急新訂造軍艦亞兒米蘭的奧圓土號比士加牙號印范打麻利的號及比拉號加呂士五世號不釐志佐的亞士知釐亞號玖里士巴兒克論號七隻又修理奴麻紗號頗整軍備美國則先請製造軍艦費於國會而不得雖至近日漸擬訂造軍艦五隻而其完成之期在明年以後是以現在比較美西軍艦數則美國少一隻然其優劣尚未可預判也

南學會告白 本學會定期初六日兩點鐘請會友及新入會者聚晤講論已另具知單延請惟曾經在會問答見識明通而不知住處者無從往請謹將 大名開列於後屆時乞 臨會為荷特此告白

長沙易袍一 楊鰲 長沙周曠 歐陽觀光 江西周啟明 湖南候補巡檢王長桂 羅為章 吳煥卿 張廣樂 善化徐潤芝 張通煥 孔鳳

捐助南學會書籍題名

- 蔣觀察德鈞觀察麟祥熊庶常希齡續捐入
- 化學求數 十四本 西藥大成 十六本 內科理法 十二本 平圓地球圖 一副
- 弦切對數表 一本 四裔編年表 四本 器象顯真圖 三本 金石識別 附表 六本
- 東方時局論畧 一本 行船免衝章程 一本 東方交涉記 二本 海軍調度要言 二本
- 行軍鐵路工程 一本 八機簡表 一本 化學鑑原續編 六本 格致小引 一本

不繼足會寶題名

- 孔昭謂字六松長沙人 黃錦藻字海雲善化人 唐行俊字楚卿善化人
- 周開雲字述齋善化人 盛祖炎字壽山善化人 周開業字釋談善化人
- 李玉林字雨農廣東人 章恭蔚字斐齋善化人 章恭權字硯塢善化人
- 鍾靈字子元湘陰人 黃贊猷字紹衡長沙人 唐祖堯字芸嵩瀏陽人
- 黃祖憲字聘臣長沙人 周寶榮字時溪南州人 鄧驥字梅生長沙人

開三月初二日日用各物時價表

物名	每實	價值	比較	物名	每實	價值	比較
銀	兩湘平	一千三百四十八文		銀	圓	七錢五分	湘平 九百十五文
上白米	石	七錢四分二厘		次白米	每串十足	七錢九分二厘	
中米	石	三百三十三文		河東谷	石	一百五十一文	三千二百文
河西谷	石	三百一十文		灰	石	一百二十四片	一千五百八十文
洋烟	包	三千一百文		淮鹽	百勛	一千六百文	四百六十文
茶油	百勛	二千六百五十文		菜油	百勛	五十六文	
牛油	百勛	七兩九錢		桐油	百勛	七兩六錢	
牛油	百勛	一兩八錢二分		粟木炭	百勛	六兩二錢	
歡喜炭	百勛	一百二十文		上棉花	百勛	一千一百二十文	
中棉花	百勛	七兩九錢		下棉花	百勛	十七兩二錢	
頭印折表	石一百四十四方	十六兩九錢		二印折表	百勛	十六兩一錢	
三印折表	同前	四兩一錢		吳庄紙	同前	四兩一錢	
塊煤	石	二兩六錢五分		烟煤	石	四兩一錢	
柴煤	石	三百六十六文					
		二百四十七文					

儒醫

潮陽陳隱庵夫子座名醫精岐黃術住 求忠篤志二齋一號 同門公白

# 時務報伍拾冊股票

六月內出書 股票實至端陽止  
官堆 貳串捌百  
杭連 每部叁串 文  
毛邊 貳串  
票寄皇倉坪陳公館出售

# 王壯武公全集

公為中興儒將用兵如神是書稟屬書札及練勇芻言等  
共念四卷皆談兵者不可少也  
寄南陽街富文書局發售

# 廣豐森綢緞洋貨布莊

開設長沙大西門專辦綢緞大呢洋  
貨彩標加樂緞青棉夏布疋俱全  
炮坪張會仙館精通河洛理數吉  
凶禍福准驗如神 同人代白

# 推算易經命理

# 印送不纏足歌

凡欲閱者請至南正街翁宅領取

# 新造木輪

此船係仿蘇河木輪式樣加工製造輕快異常往來長沙湘潭載客甚  
為穩便而價極廉每日上午八點鐘開往湘潭晚間八點鐘開回長沙  
決不遲誤停泊定所長沙在大西門外湘潭在十四號特此告白

# 專治喉科疔毒其效如神屢試屢驗

專治喉科疔毒其效如神屢試屢驗  
馬王巷王君左家試曾治李和內

## 公法學會叙

塵塵二千餘年一文網焉莽莽二萬餘里一病癩焉暗暗數千百國聰強發紆條教修飾而僕緣大地之上  
而環而峙者一大權衡焉夫吾中國所以網而文驅而病事受馬於聰強發紆條教修飾之西人而奄然以斃  
者其故何哉西儒達爾文之言曰爭自存而錫鼓憲衍其旨曰羣與羣爭赫胥黎闡其微曰人與天爭於是乎有  
羣學有種學有生理學有天演學凡所以羣學皇皇求自存於人物交戰中者則靡不惟爭之為務故夫通商傳  
教覓地殖民以神其爭之術軍精格致進力船械以券其爭之具溝通君民機宜和戰固結黨會磨礪任俠以策  
其爭之羣爭一也而爭之途萬爭之學萬萬其途一其心萬其學一其旨故能以爭權者爭種爭種者爭國爭國  
者爭天而其善爭於不爭善不爭於爭以斯闢大同之軌者則有公法家言若虎哥若果魯西亞士若賓克舍若  
烏拉富若吐利若惠頓皆一時布衣下士持空理張性法抵掌操縱歐演師相諸侯王莫之或尼與吾素王相稱  
不得政柄於衰季而收制垂世以治十九周以後之地球者殆有符契震且之儒極文楷例席憂祚禍不知天地  
間應有發紆聰強修飾條教以權衡國是之公理而戰戰抱愧園冊子談小忠小憤弋鄉愿譽且譁然以萬國公  
法為機鈐詭譎設阱陷獸張網惟鴻之秘策驚驚號於眾曰此何為也坐使國土日蹙種族日危教宗垂絕自棄  
於三等土番之國猶不痛自刻責而輒尤施之者之不以公法待我譬有蒙袂而寢枵腹而餓者至饑且斃乃蹶  
然曰吾奚為而疾若是此南海先生所以揮膺伸肱兼弱攻昧取亂侮亡之旨而惛惛然悲我中國之亡於自速  
也今夫泰西魁壘才譚之士家於名法律例者亡慮數十百人然其議論縱橫或與政府抵牾或正法例法樊然  
末由衷諸一是或治文明之國與半文半野與全野蠻之國等差互異則是公理之曝著於公法者不過十之四  
而公法之遵用於西國者又不過四之一而謂欲治公法以平一國權力平萬國權力誰其信之雖然此亦無戾  
於吾素王也吾素王以春秋為公法或與當世乖午而詭其實以有避五其比屠其贅微其詞以有需或治據亂  
世之律治升平世之律治太平世之律紛然蔽陳其微言閱旨如重民惡戰平等平權以禮義判夷夏以天統  
晉以元統天與遠近大小若一諸大端則所以納萬世於大同之準的與天地相終始彼西國布衣有能不戾吾  
素王改制之心者乃全球之公理而世界日進文明之朕兆當世界日進文明之會而我安於頑種者乃猶神明  
其罔並舉一切政舉宜修之事與交涉法律何者宜因何者宜革懼不加察且猶指晉曰素王改制乃假儒者僭  
妄資乎善化畢君承年憤然曰素王改制之精心浮未知其一二惟今朝政日圯人心日渙與外人交涉日驚疑

瀏陽唐才常撰